



МОНГОЛ УЛС  
БАЯНХОНГОР АЙМГИЙН ЗАСАГ ДАРГЫН  
ЗАХИРАМЖ

2021 оны 09 сарын 07 өдөр

Дугаар А/562

Номгон

Хорио цээрийн дэглэм тогтоох тухай

Монгол Улсын Засаг захиргаа, нутаг дэвсгэрийн нэгж түүний удирдлагын тухай хуулийн 29 дүгээр зүйлийн 29.1.3 “а”, Мал амьтны эрүүл мэндийн тухай хуулийн 15 дугаар зүйлийн 15.5.1 дэх заалт, Гамшгаас хамгаалах тухай хуулийн 10 дугаар зүйлийн 10.4.4, 32 дугаар зүйлийн 32.1.1 дэх заалт, Монгол Улсын Засгийн газрын 2020 оны 43 дугаар тогтоол, Улсын Мал эмнэлэг, ариун цэврийн төв лабораторийн 2021 оны 21-3522, 21-3523, 24-3586, 21-3650 дугаар дүгнэлтийг тус тус үндэслэн ЗАХИРАМЖЛАХ нь:

1. Хүрээмарал, Жинст, Богд, Өлзийт суманд Шүлхий өвчин оношлогдож Шинэжинст, Баянлиг, Баацагаан сумдад сэжиг бүхий байгаа тул халдварыг таслан зогсоох, голомтыг устгах, халдвар дамжин тархахаас урьдчилан сэргийлэх зорилгоор 2021 оны 09 дүгээр сарын 06-ны өдрөөс эхлэн аймгийн хэмжээнд мал, амьтны шилжилт хөдөлгөөнд хорио цээрийн дэглэм тогтоосугай.

2. Малын гоц халдварт Шүлхий өвчин гарсан голомтын бүс айл өрхүүдийн хөл хөдөлгөөнийг бүрэн зогсоож 2021 оны 09 дүгээр сарын 06-аас эхлэн 2021 оныг дуустал гадны аймаг, сум болон тус аймгийн бусад сумдаас өөрийн сумын нутаг дэвсгэрт мал оруулах, дамжин өнгөрүүлэхийг бүрэн хориглож Хүрээмарал, Жинст, Богд, Өлзийт сумдаас гарах орох гол зам цэгүүдэд шалган нэвтрүүлэх пост байгуулж, байнгын ажиллагаанд оруулж ажиллахыг Цагдаагийн газар /хурандаа Б.Оюутболд/ дээрх сумдын Засаг дарга нарт тус тус үүрэг болгосугай.

3. Хүрээмарал, Жинст, Богд, Өлзийт суманд Шүлхий өвчин оношлогдсон, Шинэжинст, Баянлиг, Баацагаан сумдад сэжиг бүхий байгаа тул дээрхи сумдаас болон баруун, зүүн, төвийн бүсийн аймгуудаас амьд мал хүлээн авахаас татгалзах, малын гоц халдварт өвчнөөс урьдчилан сэргийлж малын шилжилт хөдөлгөөн, отор нүүдэл, тээвэрлэлт, тууварлалтад хатуу хяналт тавьж ажиллахыг Мал эмнэлгийн газар /Л.Оюун-Эрдэнэ/, сумдын Засаг дарга нарт даалгасугай.

601210305

2.

4. Өвчин оношлогдсон голомтын бүсээс гадагш гарах хүн, мал, тээврийн хэрэгслийн шилжилт хөдөлгөөнд тавих хяналтыг чангатгаж, хяналтын постуудад хүн хүч, техник хэрэгсэл нэмэгдүүлж, гамшгийн үеийн шуурхай удирдлагаар ханган, хэв журам сахиулж ажиллахыг Онцгой байдлын газар (хурандаа Ж.Алтангэрэл), Цагдаагийн газар (Хурандаа Б.Оюутболд), Мэргэжлийн хяналтын газар /Н.Бямбадорж/, сумдын Засаг дарга нарт тус тус даалгасугай.

5. Мал, амьтны гоц халдварт шүлхий өвчинтэй тэмцэх, хариу арга хэмжээ авах, хорио цээрийн дэглэмийг хэрэгжүүлж, тархвар зүйн судалгаа, халдваргүйтгэл, дархлаажуулалт, халдварыг таслан зогсоох, үйл ажиллагааг эрчимжүүлж ажиллахыг Мал эмнэлгийн газар (Л.Оюун-Эрдэнэ), сумдын Засаг дарга нарт үүрэг болгосугай.

6. Шүлхий өвчний голомтыг устган хорио цээрийн дэглэмийг цуцлах хүртэл хавсралтад заасны дагуу өвчний голомттой сум, багаас бусад аймаг, сумруу амьд мал тууварлах, тээвэрлэх, худалдах, хүлээн авахыг аймгийн хэмжээнд хориглож, малын шүлхий өвчин гараагүй сумдаас аймгийн иргэдийн хүнсний хэрэгцээнд Мал эмнэлгийн үзлэг, шинжилгээнд хамрагдсан гэрчилгээтэй мал, мах нэвтрүүлэхийг зөвшөөрсүгэй.

7. Шүлхий өвчин оношлогдож, сэжигтэй тохиолдол бүртгэгдсэнтэй холбоотойгоор дээрх сумдын Онцгой комиссын гишүүд, Хөдөө аж ахуйн тасаг, Мал эмнэлгийн тасгийн мэргэжилтнүүд, Байгаль орчны хяналтын улсын байцаагч, Байгаль хамгаалагч, багийн Засаг дарга бусад шаардлагатай албан тушаалтан мэргэжилтнүүдийг яаралтай ажилд нь оруулж, амралт чөлөө олгохгүй байхыг сумдын Засаг дарга нарт даалгасугай.

8. Захирамжийн хэрэгжилтэнд хяналт тавьж ажиллахыг Хөрөнгө оруулалт, хөгжлийн бодлого төлөвлөлтийн хэлтэс (Т.Хишигбаатар)-т даалгасугай

ДАРГА



Д.МӨНХСАЙХАН

Аймгийн Засаг даргын 2021 оны 09 сарын 07  
өдрийн 1562 дугаар захирамжийн хавсралт



ХОРИО ЦЭЭРИЙН ДЭГЛЭМ ТОГТООСОН СУМ,  
БАГИЙН ЖАГСААЛТ

Д/д	Хорио цээрийн дэглэм төрөл	Сумын нэр	Багийн нэр	Тайлбар
1	Оношлогдон баталгаажсан	Хүрээмарал	Цорж 4 дүгээр баг	Мал тууварлах, тээвэрлэх, худалдах, хүлээн авахыг бүрэн хориглох
		Хүрээмарал	Хөхбүрд 1 дүгээр баг	
2	Оношлогдон баталгаажсан	Жинст	Цагаан ус 4 дүгээр баг	
		Жинст	Хүйсийн 2 дугаар баг	
		Жинст	Бодь 5 дугаар баг	
3	Түргэвчилсэн оношлуураар оношлогдсон	Богд	Луугар 1 дүгээр баг	
	Түргэвчилсэн оношлуураар оношлогдсон	Богд	Алтай 3 дугаар баг	
5	Түргэвчилсэн оношлуураар оношлогдсон	Өлзийт	Бурхант 1 дүгээр баг	
6	Сэжиг бүхий	Шинэжинст	Зараа 1 дүгээр баг	
7	Сэжиг бүхий	Баянлиг	Хатансуудал 5 дугаар баг	
8	Сэжиг бүхий	Баацагаан	Оройн бууц 2 дугаар баг	
9	Сэжиг бүхий	Баян-Овоо	Уранхайрхан 2 дугаар баг	

\_\_\_\_\_оОо\_\_\_\_\_